

**ИНТЕРНЕТ КАФЕДАГИ БОЛА  
НИМАНИ ҲИММАНИ ҲИММАНИ  
ҲИММАНИ ҲИММАНИ ҲИММАНИ**



Фасихиддин ДАДАМУХАМЕДОВ,  
Ўзбекистон Республикаси  
халқ устаси:

**ГҲЗАЛЛИК  
УМР БЕЗАГИДИР!**



Ўз отамдан кечгандим...  
Қайтар дунё экан-ди!



**ОНАСИНИ КҮРИБ...**

**ҚАДР-ҚИММАТИМ, ТАЯНЧИМ ВА  
ИФТИХОРИМСАН, МУСТАҚИЛ ЎЗБЕКИСТОН!**

Ўзбекистон Республикаси  
Президентининг Қарори  
**2014 ЙИЛГИ НАВРҮЗ  
УМУМХАЛҚ БАЙРАМИГА  
ТАЙЁРГАРЛИК КҮРИШ  
ВА УНИ ЎТКАЗИШ  
ТЎҒРИСИДА**

Халқимиз учун шарқона янги йилнинг бошланиши, энг қадимий, асл миллий, энг ардоқли байрам бўлмиш Наврӯз айёмини марказда ва жойларда ҳар томонлама пухта тайёргарлик билан кутиб олиш ва нишонлаш мамлакатимизда эзгу анъанага айланиб қолди.

Бугунги кунда ушбу умуммиллий байрамнинг маънавий ҳаётимиздаги ўрни ва таъсири, инсоннинг табиат билан уйғун бўлиб яшashi, унинг қалбида эзгулик, меҳроқибат, бағрикенглик каби олижаноб туйғуларни уйғотиш, жамиятимизда ўзаро ҳурмат ва ҳамжиҳатлик муҳитини янада мустаҳкамлаш, ёш авлодимизни миллий қадрият ва анъаналаримиз руҳида камол топтириш борасидаги аҳамияти тобора ортиб бормоқда.

Ана шуларнинг барчасини инobatга олиб ҳамда Наврӯз байрамини юксак савияда, муносиб тарзда нишонлаш мақсадида:

1. Байрамга тайёргарлик кўриш ва уни ўтказиш бўйича ташкилий кўмита таркиби 1-иловага, ижодий гуруҳ таркиби 2-иловага мувофиқ тасдиқлансин.

Ташкилий кўмита ва унинг ҳудудий бўлимлари Наврӯз байрамини пойтахтимиз Тошкент шаҳрида, Қорақалпоғистон Республикаси ва вилоятлар марказларида, барча шаҳар, туман ва қишлоқларда умумхалқ сайиллари шаклида кўтаринки руҳда ўтказишга қаратилган, **“Хар кунимиз Наврӯз бўлсин!”** деган шиорни асосий ғоя сифатида ўзида мужассам этган ташкилий-амалий, маданий-маънавий тадбирлар режасини ишлаб чиқсин ва амалга оширсин.

2. Тадбирлар режасини тайёрлашда куйидаги масалаларга алоҳида эътибор қаратилсин:

Наврӯз фаслида инсоннинг табиат билан ҳамоҳанг бўлиб, ўзини табиатнинг ажралмас бир қисми деб ҳис этишини ифода қиладиган, атроф-муҳитни, она заминни эъзозлаб, унинг неъматларини, бугунги тинч ҳаётни қадрлаб, шукроналик туйғуси билан яшашга даъват этадиган маънавий-маърифий тадбирларни уюштириш;

жойларда бўлиб ўтадиган учрашув ва суҳбатларда, оммавий ахборот воситаларида Наврӯз байрамининг тарихи, уни нишонлаш билан боғлиқ урф-одат, анъана ва қадриятларимизнинг моҳияти ва аҳамиятини кенг ёритиш;

(Давоми 2-бетда.)



Муҳаммадкарим ШОМУРОДОВ  
сурат-лавҳаси.

**Сен баҳорни соғинмадингму?!**

**Ўзбекистон Республикаси**  
**Президентининг**  
**Қарори**

# 2014 ЙИЛГИ НАВРЎЗ УМУМХАЛҚ БАЙРАМИГА ТАЙЁРГАРЛИК КЎРИШ ВА УНИ ЎТКАЗИШ ТЎҒРИСИДА

(Давоми. Боши 1-бетда)

мамлакатимизда яшаётган, миллати, тили ва динидан қатъи назар, барча юртдошларимиз учун сеvimли байрамга айланган Наврўзнинг руҳи ва фалсафасида мужассам бўлган аҳиллик ва ҳамжиҳатлик, меҳру саховат, кексаларга ҳурмат-эҳтиром кўрсатиш, кўмакка муҳтож инсонларга беғараз ёрдам бериш билан боғлиқ тадбирларни амалга ошириш;

янги деҳқончилик мавсумининг бошланиши, яша-риш ва янгиланиш, қўт-барақа, ободлик ва фаровонлик рамзи бўлмиш Наврўз фаслида маҳалла-ларда, шаҳар ва қишлоқларимизда ҳаҳарлар, кенг қўламли оводончилик ва кўкаламзорлаштириш ишларини ташкил этиш;

Қорақалпоғистон Республикаси, вилоятлар марказлари ва Тошкент шаҳрида бўлиб ўтадиган байрам дастурларига фольклор гуруҳлари, бадий ҳаваскорлик жамоалари, оилавий ансамбллар, бахши-шоирлар, шунигиндек, профессионал ижрочилар ва истеъдодли эстрада артистларини танлов асосида жалб этиш;

байрам дастурларини тайёрлашда халқ ўйинлари, фольклор санъати намуналарига, эл-юртимизнинг дилидан чуқур жой олган, гўзал инсоний туй-

ғуларни юксак пардаларда тараннум этадиган куй ва кўшиқлар, ўлан ва лапарларга кенг ўрин бериш.

3. Белгилаб кўйилсинки, ўтказиладиган байрам тадбирлари:

Қорақалпоғистон Республикаси ва вилоятларда Қорақалпоғистон Республикаси бюджетети ва маҳаллий бюджетлар ҳамда жойлардаги ишлаб чиқариш корхоналари, хўжаликлар, жамғармалар ҳисобидан; Тошкент шаҳрида республика бюджетети ва Тошкент шаҳар маҳаллий бюджетети маблағлари ҳисобидан тенг улшуларда қопланади.

4. Ўзбекистон матбуот ва ахборот агентлиги, Ўзбекистон Миллий телерадиокомпанияси, Ўзбекистон Миллий ахборот агентлиги, “Ҳаҳон” ахборот агентлиги ва бошқа оммавий ахборот воситаларига Наврўз умумхалқ байрамига тайёргарлик кўриш ва уни ўтказиш бўйича амалга ошириладиган ишларни атрофлича ёритиб бориш тавсия этилсин.

5. Мазкур қарорнинг ижросини таъминлаш Ўзбекистон Республикаси Бош вазираи Ш. Мирзиёев зимасига юклансин.

**Ўзбекистон Республикаси**

**Президенти**

**Ислом ҚАРИМОВ**

Тошкент шаҳри,  
2014 йил 24 февраль

Ўзбекистон Хотин-қизлар  
қўмитаси фаолиятдан

## ЁШЛАР МАНФААТИ — ДОЛЗАРБ МАСАЛА

Мамлакатимизда ёшларга ҳар томонлама ғамхўрлик кўрсатиш, юксак маънавиятлик, мустақил фикрлайдиган, замонавий илмфан ютуқларини пухта ўзлаштиришга интилувчан, ҳар томонлама соғлом ва баркамол авлодни вояга етказиш масаласига давлат сиёсати даражасида эътибор қаратилган.

Бугунги кунда республикаимизда 75 та олий ўқув юртлири, 1554 та ўрта махсус касб-ҳунар коллежлари ҳамда академик лицейлар фаолият юритмоқда. Олий ўқув юртлирида 258219 нафар талаба, ўрта махсус касб-ҳунар таълими тизимида 1.639459 нафар ўқувчи таълим-тарбия олиб, илмфан, касб-ҳунар сирларини пухта ўрганишмоқда. Талабалар, ўқувчи ёшларнинг ҳар томонлама камол топиши учун барча имкониятлар муҳайё. Хусусан, олий ва ўрта махсус касб-ҳунар таълими муассасаларига қарашли 1031 та талаба ва ўқувчилар турар жойлари мавжуд. Ушбу турар жойларда ёшларга яратилган шарт-шароитлар, уларнинг ҳаёт тарзини, бу масканлардаги мавжуд масалаларни ўрганиш бора-бора Ўзбекистон Хотин-қизлар қўмитаси томонидан режа асосида амалий ишлар қилинмоқда.

Қинда мазкур қарорнинг таъминотида олий ва ўрта махсус таълими муассасаларининг талабалар турар жойида соғлом турмуш тарзини тарғиб қилиш, ижтимоий-маънавий муҳит ҳамда талабалар ва ўқувчиларнинг турмуш шартини янада яхшилаш мавзудида йиғилиш бўлиб ўтди.

Унда талаба ва ўқувчилар турар жойларида яратилган қулайликлар, санитария-гигиена талабларига риоя этилиши, айрим турар жойларда бу борада кузатишган камчиликлар ҳақида атрофлича сўз юритилди, камчиликларни бартараф этишда жамоат ташкилотларининг иштироки ва ҳамкорлигини кучайтириш лозимлиги хусусида таъкидланди.

Тадбирда Ўзбекистон Республикаси Бош вазираининг ўринбосари, Республика Хотин-қизлар қўмитаси раиси Элмира Боситхнова иштирок этди.

\*\*\*

Кунги кеча Миллий матбуот марказида Ўзбекистон Хотин-қизлар қўмитасининг янгича дизайндаги **wcu.uz** расмий веб сайти ҳамда тадбиркор ва касаначи аёлларнинг **bizayol.uz** веб-порталининг тақдимот маросими ўтказилди.

Гулноза БОБОЕВА,  
Барно МИРЗААХМЕДОВА,  
“Оила ва жамият”  
муҳбирлари.

## КЎНИКМА ОИЛАДАН БОШЛАНАДИ

Хонадонда болажонлар кулгиси кўнгилларга мунавварлик бағишлайди. Орзу-умидларимиз, ҳаётдан кутган ҳушдорларимиз уларнинг камолоти билан боғлиқ.

Юртимизда ўғил-қизларнинг жисмонан ва маънан соғлом ўсишлари учун оиладан тортиб, маҳалла, ўқув муассасалари ва барча тиббиёт масканларида зарур шарт-шароитлар яратилган.

Қишлоқ врачлик пунктларидаги имкониятлар, бу жойларнинг малакали мутахассислар билан таъминланганлиги, замонавий тиббиёт жиҳозларини кўриб, халқимиз саломатлигини муҳофаза қилишга нақадар катта эътибор ва ғамхўрлик кўрсатилмаётганини яна бир бор дилдан англаймиз. Энг муҳими, тиббиёт муассасалари томонидан профилактик тадбирлар кенг қамровда ва сифатли амалга ошириладигани фарзандларимизнинг соғлигини асраб-авайлашда алоҳида ўрин тутмоқда.

Жойларда ҳамкорликда олиб бориладиган тарғибот тадбирларимизда биз бу бекиёс имкониятларнинг кадр-қимматига, аҳолининг тиббий маданиятини ошириш, келажак авлодининг соғлом ва баркамол ўсишида оила, маҳалла, ўқув муассасаларининг ўзига хос ўрни ва эзгу мақсад йўлида ҳамжиҳатликда иш олиб боришнинг ижобий аҳамиятига эътибор қаратялмиш. Барча кўникмалар катори инсонда тиббий маданиятнинг шаклланиши оиладан, хусусан, болаликдан бошланиши табиий. Аҳолининг турли қатламлари ўртасида мулоқот жараёнларида эндиликда ота-оналарнинг ҳам бу борада бефарқ эмасликлари кузатиладигани эътиборга молик.

**Саидазим БАКИЕВ,**  
**Учтепа туман 3-сон давлат**  
**нотариал идораси нотариуси.**

**Бола табиатан қизиқувчан, ҳамма нарсани тезда билишни истайди. Онасига, ён-атрофидагиларга тинимсиз саволлар беради, катталарнинг хатти-ҳаракатларини такрорлагиси келади. Ўсмир ёшида эса унинг саволлари биров камайгандай туюлади, шунда у ҳақда “энди анча улғайиб қолди”, деб хон қўйишади. Аслида-чи?**

Бу ёшда энди у нимани ўрганса, шу ҳақда, оз бўлса-да, фикрлаб ҳам кўради, ким биландир фикрлашгиси келади. Уқиб-ёзишни билгани учун у ўрганган манбалар сони орта-

Ҳар бир ота-онанинги ўсмир ёшдаги ўғил-қиз тарбиясига беярво бўлиши билан унда ҳам лоқайдлик, дахлсизлик ҳиссини пайдо қилиб қўйиши ҳеч гап эмас. Катта бўлгач, ақли куйилиб қолар, деб ўйлаш эса тарбия учун берилган вақтни беҳуда йўқотиб, бу муҳим масалада кечикиш деганидир. Чунки бу ёшда ўсмирнинг табиати ўзгарувчан бўлади, бундай ўзгарувчанлик эса унинг ўсишга мойиллигини англалади. Ўсмирлик палласининг нозик жиҳатлари ҳам шунда. Шу боис ҳам болани ниҳолга киёшлашди-да.

Эътибор қилсангиз, дунёдаги турли ёт оқимларнинг тарғиботчилари қанчадан-қанча ахборот манбалари орқали асосан ўсмир ёшлар, болалар онгу шуурини нишонга олиб иш тутадилар. Хусусан, интернет тармоғида шундай мақсадларга йўналтирилган турфа шакл-шамойилдаги сон-саноксиз манбаларнинг аксарияти айнан шу ёшдаги ўғил-қизларга қаратилди.

Юртимизда фарзандларимизнинг нафақат жисмонан, балки маънан соғлом бўлиб вояга етиши учун ҳар томонлама шароитлар яратилиб, бу борада кенг қўламада тарғибот ишлари олиб борилмоқда. Ёшлар тарбияси учун кенг жамоатчилик жалб этилган. Маълумки, ҳозир бизлар глобаллашув, ахборот тараққий этган даврда яшайпмиз. Шу боис фарзандларимизнинг мафкуравий иммунитетини мустаҳкамлаш, юксак маънавиятлик қилиб тарбиялашга ҳар биримиз маъсۇл эканимизни унутмайлик.

**Дониохон ИШАНОВА,**  
**Тошкент шаҳар Шайхонтоҳур**

**тумани**  
**1-давлат нотариал идораси**  
**нотариуси.**

**Зулфия НИЗОМИДДИНОВА,**  
**нотариус.**

**Қамола ЖЎРАБОВЕВА,**  
**Шайхонтоҳур тумани 2-сонли**  
**ДНИ нотариуси.**

## МЕХР-ОҚИБАТ ОСТОНАСИ

ди. Бу манбалар ўз навбатида ўргатувчи вазифасини ҳам бажаради. Шу боис ўтиш ёшида ўсмир ўғил-қизларнинг дунёқарашлари шаклланишида ота-оналар, ўқитувчилар, умуман, ён-атрофидаги катта ёшдагиларнинг маъсулияти кучаяди. Миллий кадрларимизда эса бу “Бир болага етти маҳалла ота-она” деган ажойиб нақлда акс этган.

Ўсмирлик ёши инсон маънавияти келгусида қандай бўлишида замин яратувчи энг муҳим палладир. Ота-она ўз фарзандини аввало миллий кадрлар руҳида тарбиялашга интилади, болам энг аввало, меҳр-оқибатли бўлсин, деб ният қилади. Бундай ҳалқона нақлда катта ҳикмат бор. Негаки, оилада қалбга синган эзгу туйғулар бора-бора ўз эл-юртига бўлган муҳаббатга, фидойиликка айланади. Ота-онасига, ўзи тугилиб-ўсган хонадонга меҳр қўйган, ҳовлидаги кичик боғда ўсган дов-дарактларни авайлашга одатланган бола улғайгани сари она юртини севиб, уни яшнатишга, обод қилишга интиладиган, унда унган ҳар бир гиёҳни, бутун қалби билан она табиатни қадрлайдиган, садоқатли инсон бўлиб вояга етади.











